

# Bengaals

Van Wikipedia

Dit artikel is gesjreve (of begós) in 't Mofers. Laes hie wie v'r mit de versjillende saorte Limburgs ómgaon.

't **Bengaals** is 'n Indogermaanse spraok die gekaldj wuurtj in Bangladesj, India, Nepal en Singapore. De spraok wuurtj gekaldj door zoea 110.000 luuj in Bangladesj (2001), mit 'n ganse bevolking van 193.261.200 in alle lenj. 't Bengaals haet de ISO 639-3 code *ben* enne ISO 639-1 code *bn*.

Anger benaminge veure spraok zeen *Bengali*, *Bangala*, *Bangla* en *Bangla-Bhasa*. Me gebroek veurnamelik 't Bengaals sjrif veur mit te sjrive. Ouch wuurtj Braille gebroek. 't Newar (Prachalit Nepal) wuurtj neet mieë gebroek veur te sjrive.

De standerd woordvolgorde is SOV; 't guuef achterzètselen enne zelfstenjige naamwäörd die houf zeen kónne zowaal veuraan es achteraan inne zats geplaats waere. 't Guuef drie geslachte (mennelik, vrouwelik en ónziejig); inhaads-g-wäörd veuraan en achteraan. Zatsdeile waeren aangegaeve mit naamvallen en woordvolgorde. Wirkwäörd waere verveug nao tied en diathese (passief). 't Bengaals haet viefendertig mitklinkers en vief klinkers die es foneem kónne waere betrach.

De spraok wuurtj in 't wèste van Bangladesj gekaldj en haet dao 140.000.000 luuj die 't es twieëdje spraok kalle. Dialekten in Bangladesj zeen Barisal, Khulna, Mymensingh en Noakhali. Dao wuurtj vermèldj det de spraok geliekenisse haet mit 't Assamees. De lexicaal euvereinkóms mit 't Nepali is 40%. Alle laetieje kallen 't Bengaals. Spraekers inne distrikte van Khagrachari en Rangamati gebroeken ouch 't Chak. Anger spraekers kallen ouch Chittagonisch en War-Jaintia. 't Bengaals wuurtj zowaal oppe lieëgere es oppe hoeagere sjoel óngerweze, is gans óntwikkeldj en deiler vanne Biebel woorten ómgezatz tösse de jaore 1809 en 2000. De spraekers in Bangladesj zeen euverwaegendj islamitisch.

In India zeen 82.500.000 spraekers (2001). Dao wuurtj 't gekaldj inne Wès-Bengale: Jharkhand, Dhanbad, Manbhum, Singhbhum en Santal; in Parganas, Bihar, Assam (Goalpara), Meghalaya (de Garo-häöele), Mizoram en Nagalandj. 't Bengaals kèntj in India de volgendje dialekte: Barik, Bhatiari, Chirmar, Kachari-Bengali, Lohari-Malpaharia, Musselmani, Rajshahi, Samaria, Saraki en Siripuria (Kishanganjia). 't Wuurtj gebroek es twieëdje spraok door spraekers van 't Asuri, Bishnupriya, Chakma, Hajong, Kamta, Kharia, Kharia Thar, Koch, Kudmali, Kumarbhag Paharia, Lodhi, Mahali, Maithili, Mal Paharia, Panchpargania, Pnar, Rabha, Sadri, Sakachep en Toto. De graod van gelitterdjheid inne ieëste spraok is 85%. De spraekers zeen euverwaegendj hindoeïstisch en islamitisch.

't Bengaals wuurtj ouch gekaldj in Nepal. Hie guuef 't 21.100 spraekers (2011); 'n aantal det toenump. 't Wuurtj gekaldj inne zaone: Mechi (Jhapa), Kosi (Morang, Sunsari) en Sagarmatha (Saptari). Ouch guuef 't spraekers in Kathmandu, Bhaktapur, Patan, Birgunj, Bhairawa, Nepalguni en Janakpur. De dialekte die in Nepal veurkómme zeen: Barik, Bhatiari, Chirmar, Kachari-Bengali, Lohari-Malpaharia, Musselmani, Rajshahi, Samaria, Saraki en Siripuria. 't Spraokgebroek is laevetig es bei eljers van Bengaalse afkóms



De verspreijing van 't Bengaals euver India en Bangladesj.

zeen. De spraok wuurtj heim gebroek en mit vrunj, aevenes in religieuze deensten en op 't wirk. 't Wuurtj door alle laeftieje gekaldj enne 't guuef 'n positieve haging t'n opzichte vanne spraok. 't Bengaals wuurtj in Nepal es twieëdje spraok gebroek door spraekers van 't Maithili, Meche en Rajbanshi. De modertaalspraekers waeren in Nepal es 'n cultureel groep geclassificeerdj (wie inne voukstèlling van 2001). De spraekers zeen euverwaegendj hindoeïstisch, kristelik en islamitisch.

In Singapore haet 't 600 spraekers oet 'n ethnische bevolking van 80.000 (2006). Hie zeen de spraekers euverwaegendj hindoeïstisch en islamitisch.

De spraokstatus veur dees spraok is nasjenaal (1) in Bangladesh; det beteikentj det de spraok wuurtj gebroek in 't óngerrich, 't wirk, de massamedia enne euverheid op 't nasjenaal niveau (statutorische nasjenaal spraok, 1972, Gróndjwèt, Artikel 3); provinciaal (2) in India; det beteikentj det de spraok in óngerrich, wirk, media en bestuur binne groeate administratieve óngerdeiler van e landj gebroek wuurtj (statutorische provinciaal spraok in Wès-Bengale, Tripura enne staote van Assam, 1950, Gróndjwèt, Sjieëma VIII); versprèdj en bedreig (6b) in Nepal; det beteikentj det de spraok gebroek wuurtj veur persueenlike communicatie door alle generaties, meh det 't aantal spraekers aafnump; en bedreig (6b) in Singapore.

## Classificatie

---

- Indogermaans
  - Indo-Iraans
    - Indo-Arisch
      - Oeastelike Zaon
        - Bengali-Assamees

## Brón

---

- Ethnologue (<http://www.ethnologue.com/language/ben>).



D'r is 'n **Bengaalse editie** van Wikipedia, de vriej encyclopedie.

---

Aafkomstig van Wikipedia, de Vriej Encyclopedie. "<https://li.wikipedia.org/w/index.php?title=Bengaals&oldid=360004>"

---

**Dees pazjena is 't lèts verangerd op 6 dec 2014, 18:26.**

De teks is besjikbaar ónger de Creative Commons Naomsvermelding/Geliek Deile licentie. 't Is mäögelik dat aanvöllende veurwaarde van toepassing zeen. Betrach de Algemein veurwaarde veur mie informatie.